

SOLO

Afl. 1.25

BRIYANDO FUERTE • TRECIENDO CLARIDAD
DIABIERNA 9 MAY 2025

Di Pueblo

Ta invita e comunidad di Aruba pa participa na e estudio Nacional:
E BALOR Y IMPACTO DI DEPORTE NA ARUBA – UN BISTA ACTUAL



WWW.SOLODIPUEBLO.COM



SOLODIPUEBLO@GMAIL.COM

MIKE DE MEZA AINDA TIN UN DEBE HABRI DI 10 MIL FLORIN NA BELASTING

Apesar di varios declaracionnan recien cu ta bisa cu Mike de Meza a paga tur su debe, ta confirma awor ainda e tin un debe di 10 mil florin cu Departamento di Impuesto di Aruba.

Durante un entrevista recien den programa di radio di Aldrich Croes riba Hits 100.9 FM, su abogado Desiree Croes a bisa cla cu e debe ainda ta vigente. Nan no ta di acuerdo cu e cobro, pero e suma aun ta registra como un debe legal.

FIFA A INTERVENI DEN CRISIS DI AVB: TA EXIGI PA PONE PRESIDENTE BEK I PA APROBA STATUUT NOBO



FRACCION DI MEP TA COMPROMETE PA SIGUI LUCHA TE ORA GOBIERNO ALOCA E FONDONAN NECESARIO PA FCCA



– Manera ta conoci Aruba tin un crisis di vivienda y durante gobernacion di Gabinete Wever-Croes a purba di tur manera pa bin cu un solucion pa cu esaki. Despues di hopi deliberacion a yega na e conclusion cu e solucion mas liher pa e crisis aki ta pa Gobierno yuda FCCA yega na fondonan na un interes abou. Lamentablemente e tempo ey Gobierno no a logra e fiansa aki ni cu banco local ni international.

Paga

SKOa
Schoolgeld

Online y participa pa
Gana AWG 500.-



Metodonan di pago

- Aruba Bank Online & App: Busca "SKOa Schoolgeld" den e Address Book
- Aruba Bank Customer Service Kiosk – Disponibel na e "Self Service" area di Camacuri, Hato of San Nicolas Branch

*TUR mayor cu paga SKOa Schoolgeld online prome cu 31 di juli 2025 ta participa pa gana AWG 500.-

Arubabank



Partido MEP: PARLAMENTARIO EVELYN WEVER-CROES TA COREHI MINISTER GERLIEN CROES RIBA SU INSINUACIONNAN HACI DEN MEDIONAN SOCIAL RIBA FUNDACION FUTURA



Recientemente por a nota cu Minister Gerlien Croes a haci insinuacion den medionan social, cu fundacion Futura a haya 14.5 miyon euro pa proyecto

di innovacion, y cu e no ta mira na unda e placa a bay. Lamentablemente tin un parlamentario cu a bay su tras, treciendo tambe insinuacionnan

den medionan social riba esaki.

Parlamentario Evelyn Wever-Croes cu tabata e minister encarga cu innovacion durante gobernacion di Gabinete Wever-Croes ta lamenta cu tanto e minister ni e parlamentario no a tuma nan tempo pa haci nan “huiswerk” prome di acudi na medionan social cu insinuacionnan incorrecto.

Pa corehi e “blunder” aki, durante un conferencia di prensa, Parlamentario

Wever-Croes a duna un splicacion, indicando cu e 14.5 miyon euro ta un contract cu pais Aruba a firma cu Union Europeo na 2024 y e placa a cuminsa drenta apenas e aña aki, y den tranchenan chikito. Pa por sigui haya e placa, parti di e proyecto mester ta cla, pues no ta asina cu Aruba a haya full e placa caba. Ademas ora e placa yega Aruba, e no lo bay directamente pa fundacion Futura sino e ta bay pa Gobierno di Aruba y den e caso aki pa Minister Gerlien Croes cu

ta e minister di innovacion actual.

“P’esey ta importante pa mi corehi Minister Gerlien Croes riba su insinuacionnan haci den medionan social.

E no ta bon pa como mandatario di e pais aki bo ta atacha integridad di nos hobennan profesional. P’esey prome cu trece insinuacionan den medionan social, porfavor haci bo huiswerk prome” Parlamentario Wever-Croes a expresa.

Minister Geoffrey Wever: PROJECTONAN DI GOBIERNO DEN ORANJESTAD DEN EHECUCION



Oranjestad, 7 di mei 2025 – “Proyectonan di renobacion y revitalisacion di centro di Oranjestad manera e studentenflat y Cas Veneranda ta avansando den e direccion desea”, segun Minister Geoffrey Wever.

Revitalisacion di Oranjestad ta un prioridad pa Gabinete AVP-Futuro. Ta remarcabel pa mira con e.o. e



transformacion di e oficina bieuw di Ministerio Publico (Ex OM) ta progresando - un edificio cu pa hopi aña tabata abandona y na riesgo di bira ruina. Danki na e vision y colaboracion conhuntamente cu Fundacion Cas Pa Comunidad Arubano (FCCA) a ehecuta un plan pa rescata e edificio aki y dune un proposito nobo. Awe, nos por mira con e proyecto aki ta progresando



cu e meta final pa crea vivienda pa estudiante y asina yuda transforma nos centro. E proyecto aki ta parti di un strategia mas amplio y integral pa revitalisa e curason di Oranjestad, convirtiendo espacionan bandona den centronan di oportunidad y desaroyo.

Cas Veneranda
Asina tambe por mira progreso significativo den e proyecto di Cas

Veneranda den Wilhelminastraat. Un hoy a di edificio cu ta den pleno proceso di restauracion. Diabierna binidero lo tin su “spantenbier”, cual ta marca un otro etapa den e restauracion di e edificio, destina pa acomoda Directie Economische Zaken, Handel en Industrie.

Minister Wever ta subraya cu trece departamentonan di gobierno bek den centro ta crea un fluho diario di hende cu ta trafica den e area durante dia. Trafico cu tin su beneficiarios pa e negoshinan den e area. E proyectonan aki ta pisa clave cu resultadonan tangibel den e plan integral pa revitalisa e centro di Oranjestad. Gabinete AVP-Futuro a pone revitalisacion di Oranjestad como prioridad den e acuerdo di gobernacion y lo sigui traha pa revitalisa e centro di Oranjestad.

Parlamentario Evelyn Wever-Croes

Relaciona cu e crisis di vivienda na pais Aruba; **FRACCION DI MEP TA COMPROMETE PA SIGUI LUCHA TE ORA GOBIERNO ALOCA E FONDONAN NECESARIO PA FCCA**



– Manera ta conoci Aruba tin un crisis di vivienda y durante gobernacion di Gabinete Wever-Croes a purba di tur manera pa bin cu un solucion pa cu esaki. Despues di hopi deliberacion a yega na e conclusion cu e solucion mas liher pa e crisis aki ta pa Gobierno yuda FCCA yega na fondonan na un interes abou. Lamentablemente e tempo ey Gobierno no a logra e fianza aki ni cu banco local ni international.

Parlamentario Evelyn Wever-Croes a indica cu mirando cu no a logra cu e banconan, y pa logra trece un poco alivio pa esnan mas den necesidad, Gobierno lo crea espacio financiero

den e presupuesto di pais Aruba pa Gobierno mes presta FCCA e placa cu nan tin mester pa construi casnan social na un interes abou. Esaki ta loke Gabinete Wever-Croes a haci den e presupuesto di 2025, alocando un suma di 17 miyon florin como prestamo pa FCCA na un interes abou, y 2.7 miyon florin pa hisa e huur subsidie pa FCCA por sigui brinda huur na esnan cu no por paga un suma halto. Lamentablemente, e mesun dia cu e Gobierno di AVP/Futuro a huramenta, nan a corta e sumanan aki lagando pais Aruba sin un solucion pa e crisis di vivienda.

Parlamentario

Wever-Croes a expresa cu Fraccion di MEP den Parlamento a compromete nan mes pa sigui traha riba e tema aki. Fraccion di MEP a yama FCCA pa un reunion na Parlamento pa asina duna un splicacion extenso di kico tur e necesidadnan ta. Durante reunion, representantenan di FCCA a indica cu nan a splica e formadornan Mike Eman y Gerlien Croes di e necesidadnan aki pero asina mes, nan a tuma e decision di corta e sumanan aki.

E banda positivo ta cu Parlamentarionan di AVP y Futuro a wordo convenci di e necesidad pa presta FCCA e placa aki, sperando asina cu atraves di nan e Gobierno actual recapacita y pone e fondonan aki disponibel pa FCCA. Importante ta cu FCCA a indica cu e nan no ta bay hisa e huurnan por lo pronto di e huurdonan actual, pero nan mester di e ayudo di Gobierno pa esaki.

“Nos compromiso ta continua te ora e placa aki wordo aloca pa FCCA por sigui construi vivienda. Cu e 17 miyon florin aki nan lo por construi entre 150-200 cas social, paso tin 3700 hende wardando pa yega na un vivienda. E compromiso di fraccion di MEP ta pa busca alivio pa e 3700 mama y tata di famia por haya un dak riba nan cabezas pa asina nan por duna un calidad di vida digno na nan famia” Parlamentario Wever-Croes a expresa.



#1 DEN MATRAS

OPORTUNIDAD PA TRABOU

Pa nos tienda principal na Meiveld

ALLAROUND HELPER / ARMADO DI MUEBLE

Persona serio y responsable

EXIGENCIANAN:

- Masculino entre 35 - 45 aña / Fisicamente fuerte
- LTS / EPB • Techniek / Timmerman
- Mester di un rijbewijs B y C
- Experiencia cu traha y arma muebles
- Tin transporte propio pa jega trabou na ora
- Por y ta willing pa traha overtime ora ta necesario
- Local, permiso di trabou valido of firma liber

BENEFICIANAN GENERAL:

- Salario atractivo • Ambiente ameno pa traha

Pa mas informacion

CAS di MAX, Meiveld 3A-1

Pa aplica manda CV na email casdimax@gmail.com - wzp na 699-5511



Parlamentario Shailiny Tromp-Lee (MEP): VIVIENDA SOCIAL PAGABEL TA UN NECESIDAD GRANDI NA MOMENTONAN AKI



Parlamentario Shailiny Tromp-Lee ta expresa: “Mi no por imagina cu un parlamentario por ta contra un prestamo na FCCA y aumento di nan subsidio cu meta pa traha mas casnan social y garantisaviendanan pagabel.” Mirando e decision incomprendibel di Gabinete Eman-Croes durante tratamiento di Presupuesto 2025 caminda Minister Wever a kita e 17 miyon florin cu Gabinete Wever-Croes a destina pa un fianza na FCCA na interes hopi abou pa nan por cuminsa traha mas cas social y tambe 2,7 miyon pa aumenta nan subsidio structuralmente, mi a dicidi pa invita FCCA pa un reunion den Comision di Finanzas. Un reunion pa FCCA mes bin duna splicacion y subraya e urgencia. Mirando e discucion den Parlamento, pero tambe esun publico, mi a haya na su lugar pa FCCA bin brinda e informacion necesario y tambe contesta tur pregunta cu por tin.

FCCA mester apoyo financiero di Gobierno
Mescos cu Gabinete

Wever-Croes a splica den e nota di cambio, FCCA a enfatisa cu sin ayudo di gobierno, nan no por traha mas cas social. Esaki ta hopi lamentabel mirando cu FCCA tin un lista di espera di mas di 3700 peticion pa cas social. Como Parlamentario mi ta di opinion cu awor cu tin espacio financiero, ta e momento pa nos cumpli y duna atencion y prioridad na e necesidad pa viviendanan social. Gobierno actual a kita e sosten financiero presupuesta pa MEP pasobra segun nan mester bin un investigacion mas profundo y pa esaki nan mester bolbe reuni cu FCCA, cual reunion apenas a tuma lugar e siman aki. FCCA sigur a splica kico tur caba nan a haci pa purba logra pa haya placa presta na interes abou sin e resultado desea. Tambe FCCA a presenta nan plan cu ta cla caba, solamente nan falta e prestamo di Gobierno na interes abou pa por start sali. Alabes FCCA a indica cu nan no por sigui carga e maneho di huursubsidie (vivienda pagabel) si no ta ricibi e indexing necesario, cual

Gabinete Wever-Croes tambe a tene cuenta cu ne cual ta cu a propone pa hisa e subsidio di FCCA cu 2,7 miyon florin pa aña. Cu e aumento aki FCCA por sigui tene e huurprijs di e casnan social abou. Esaki ta un peticion di FCCA di hopi aña caba y awo cu Gobierno por cumpli cun’e debi na e espacio financiero cu e surplus ta trece cune, mester haci esaki tambe.

FCCA a purba tur manera pa haya fondo

E reto grandi pa yega na fondo ta algo cu FCCA tin algun tempo caba y nan a haci nan huiswerk. Nan a purba local, nan a purba na Hulanda y tambe riba mercado internacional. Realidad ta cu nan no ta yega na e recursonan financiero necesario pa por traha e casnan social cu ta asina un necesidad grandi bou di nos hendenan. FCCA a indica cu nan a reuni na varios ocasion cu Gobierno riba e reto aki y den pasado nan a atende e punto aki cu Parlamento tambe. Awor cu tin espacio financiero e solucion mas factibel ta pa Gobierno presta FCCA e placa pa asina FCCA por traha e viviendanan necesario, locual den pasado a yega di pasa caba. Na 2009 Gabinete Oduber (MEP) a fia FCCA 10 miyon florin di e placa di Plant N.V. na interes abou di 2% pa asina FCCA por a traha casnan social. Dus no ta algo nobo.

Coalicion ta di acuerdo



cu e prestamo of no?

Despues di e reunion di parlamento cu FCCA mi no por imagina cu por tin un parlamentario cu ainda por ta contra un prestamo na FCCA y aumento di nan subsidio. Ta di spera cu den e voorjaarsnota y presupuesto supletorio cu dentro di poco gobierno mester presenta na Parlamento e suma di 17 miyon florin pa e fianza na FCCA y e 2,7 miyon florin di aumento structural di nan subsidio keda incorpora bek den e presupuesto y cu parlamento lo aprobe. Ta innecesario pa bay haci full e investigacion di nobo, perde luna y tempo valioso pa yega na e mesun punto. Gobierno tin e espacio financiero y e ta e prome yama pa yuda mirando e situacion.

E proyecto aki ta uno necesario

Pa termina mi kier enfatisa cu otro instancianan manera Banco Central di Aruba y IMF tambe ta pidi atencion pa e situacion di falta di casnan pagabel. IMF te hasta den nan evaluacion financiero y economico di Aruba, Article IV Mission, ta evalua kico Aruba ta haci pa cumpli cu e necesidad pa por tin suficiente casnan pagabel na Aruba. No por lubida tampoco e metanan di desaroyo sostenibel, SDG 11, cu tambe ta exigi gobiernonan pa inverti den casnan pagabel.

Awor ta e momento, e fondonan t’ey, nan tawata aloca caba y mi ta spera Gabinete Eman-Croes lo haci lo corecto y cumpli cu pais y cu nan propio programa.

Ta invita e comunidad di Aruba pa participa na e estudio Nacional: E BALOR Y IMPACTO DI DEPORTE NA ARUBA – UN BISTA ACTUAL

Oranjestad, 7 mei 2025 - Facultad di Hospitalidad y Turismo (FHTMS) di Universidad di Aruba (UA) den colaboracion cu Facultad di Hospitalidad, Comercio y Deporte (HRSM) di Universidad di South Carolina (USC) ta lansa un encuesta nacional cu e meta pa investiga e balor y impacto di deporte na Aruba. Ta pidi comunidad di Aruba pa nan cooperacion y participacion.

Hopi biaha nos ta lesa y wak cu atletanan ariba tur nivel ta sobresali den exterior. E resultadonan hopi biaha ta mara na e balor y dedicacion cu cada atleta y esnan rond di dje, entre otro entrenadornan, federacionan, mayornan tin pa e deporte. Con importante deporte ta pa un comunidad? Ki impacto e tin pa Aruba? E preguntanan di e encuesta ta relaciona cu participacion individual y como famia, tipo di deporte, y otro factornan cu ta midi e impacto di deporte na Aruba.

UNESCO su iniciativa di “Fit for Life” ta diseña pa activa inversion den deporte como parti di e solucion contra falta di actividad fisico, problemanan di salud mental y inigualidadnan social. Den cuadro di esaki mester menciona cu lo coopera cu miembranan di e National Compliance Platform di cual UA ta

forma parti cu entre otro Comité Olimpico Arubano, UNESCO Aruba y IBISA.

Segun Dr. Stephen Shapiro di USC: “Pa por compronde e balor y impacto cu deporte tin pa Aruba ta importante pa investiga kiko e comunidad di Aruba su percepcion nan ta y ademas identifica otro factornan positivo y/of negativo relaciona cu deporte na Aruba.”

“E encuesta ta disponibel den 2 idioma, Papiamentu y Ingles y ta completamente anonimo. E datonan ta wordo usa specificamente pa estudio aki y ta sumamente importante pa tur hende yena e encuesta completo. E meta ta pa ricibi un bista mas exacto posibel relaciona cu e topico aki.” Sra. Jo-Anne Croes d UA ta informa.

Ta pidi encaresidamente pa yena e encuesta completo usando e siguiente link nan:

- Ingles: https://uofsc.co1.qualtrics.com/jfe/form/SV_3BIJoCrc5Xdzeey

- Papiamentu: https://uofsc.co1.qualtrics.com/jfe/form/SV_1TVHORD4VNVNQUJg

Ta sumamente importante pa haña hendenan cu ta representa diferente barionan na Aruba, genero y edad. Pesey ta pidi cooperacion den comparti y encurasha otronan pa


jena e encuesta.

Pa pregunta of mas informacion por bishita e Facebook page di University of Aruba-FHTMS of comunica cu Stephen Shapiro, Ph.D, University of South Carolina, College of Hospitality, Retail and Sport Management

na shapirsl@mailbox.sc.edu of Jo-Anne Croes, Universidad di Aruba, Faculty of Hospitality and Tourism Management Studies jo-anne.croes@ua.aw.

Ban yuda Deporte na Aruba sigui progresa.





MAS ORA DEDICA NA SIRBI BO MIHO

Nos ta hopi contento di por ofrece nos clientela mas acceso na asistencia bancario.

Desde dialuna 5 di mei, 2025 nos servicionan di yamada lo tin orarionan extendi pa asina sirbi bo miho.

Den siman	Den weekend
Di dialuna pa diabierna di 8:00 AM te 8:00 PM	Riba diasabra di 9:00 AM te 1:00 PM

Yama nos: 522-3000

Ban Combersa.

PROME REUNION ENTRE MINISTER EMAN, MINISTER WEVER Y STICHTING MONUMENTENFONDS ARUBA (SMFA)



Oranjestad, 7 di mei 2025 – Diamars merdia a tuma luga e prome reunion entre Prome Minister, Sr. Mike Eman, den su rol como Minister di Cultura, Minister Geoffrey

Wever di Finansa, Asunto Economico y Sector Primario, y Stichting Monumentenfonds Aruba (SMFA).

Durante e encuentro

a discuti e plannan pa desaroyo di e centro di Oranjestad y e rol importante cu SMFA ta y lo porhunga den esaki. Tambe a comparti informacion actualisa riba e avansenan di proyectonan cu ya ta andando den nos centro urbano.

Ministernan Eman y Wever a expresa nan balor pa e trabou cu SMFA ta haci pa conserva y integra patrimonio historico den e futuro urbano di Aruba. E reunion ta marca un paso inicio di



futuro colaboracion den Gabinete AVP-Futuro pa logra converti y redestina edificionan monumental, creando proposito nobo pa nan, vooral den

Oranjestad y cercania, y asina contribui na un centro vibrante, sostenibel y culturalmente valioso pa e proximo generacion.

MINISTER DI ENERGIA ARTHUR DOWERS A TOPA CU ARMSTRONG Y CAP PA DISCUTI E PROGRESO DI E PROYECTO DI EXPLORACION DEN AREA MARINO DI ARUBA



– E Minister interino di Energia di Aruba, Arthur Dowers, a topa cu e compania Armstrong y Compania Arubano di Petroleo (CAP) 6 mei 2025 pa discuti e progreso di e proyecto di exploracion den area marino di Aruba.

Bill Armstrong, Presidente y CEO di Armstrong Oil & Gas, a splica cu un compania subsidiario di Armstrong, esta Andicuri Oil & Gas Exploration VBA (AOGX), ta actualmente analisando,

reprocesando y interpretando tur dato geologico y geofisico existente den e area marino di Aruba. E analisis completo ta tuma mas o menos 12 pa 15 luna mas, prome cu por tuma un decision y informa tocante si y na unda lo ta miho pa bora un pos exploratorio. Pa es motibo, no ta spera ningun actividad pa bora un pos offshore di Aruba prome cu e di tres kwartaal di 2026. AOGX tin plannan pa haci estudio specifico tocante e impacto riba medio ambiente prome cu cualkier actividad na Aruba, sigui e miho practicanan y standard di e industria, mientras cu ta inclui e comunidad y participantenan Arubano.

Armstrong tin un historia largo den operacion na Alaska, unda

nan a participa of opera den casi 50 pos tanto na tera como den awa, logrando un record sobresaliente den HSE y proteccion ambiental den un di e habitatnan natural mas proteha di mundo. Armstrong su meta ta pa mantene e mesun record den HSE y proteccion ambiental na Aruba.

“Nos ta hopi entusiasma tocante e potencial di hidrocarbon di Aruba su area marino,” Bill Armstrong a bisa. “Nos ta hopi positivo, y nos lo kier replica e exito cu nos a obtene na Alaska akinan na Aruba tambe. Si nos exploracion ta resulta exitoso, Aruba por haña beneficienan grandi cu por stimula e economia di e pais cu impacto macroeconomico positivo y dunando ingreso significativo.”

Jeremy Croes, Director di CAP, a agrega: “Si e proyecto ta exitoso, Aruba lo por logra independencia energetico usando un fuente di energia local, mas limpi y barata, ademas e lo por trece un reducion significativa den gasto di energia y coriente pa e comunidad.”

AOGX a firma un “Production Sharing Contract” (PSC) cu CAP den 2024 pa exploracion, desaroyo y produccion di hidrocarbon den e area marino di Aruba. E contract ta cubri un area di 14,356 kilometer cuadra. Armstrong y su afiliadonan tambe tin mas di 650,000 acre den licencia di exploracion na Alaska, caminda nan a descubri algun campo grandi di petroleo tanto na tera como den awa, cu e mas recien e Sockeye pos, cu a complete apenas algun siman pasa.

CONFERENCIA DI FAMILIA “DI GENERACION PA GENERACION”

Tienda di Educacion Aruba (TdE) en conexion cu dia Internacional di Familia, como tambe su celebracion di 13 aña di existencia den e comunidad di Aruba, tin e grato honor di invitabo pa nos prome Conferencia di Familia bou di e tema “Di Generacion Pa Generacion”.

Como e unico organisacion cu un liña di telefon pa mayor y educador (161, Gratis) na Aruba y den Caribe, TdE Aruba su punto di operacion vocal ta basa riba articulo 18, di e derecho di mucha. E articulo ta pone enfasis riba e desaroyo y educacion di e muchanan y e responsabilidad di e mayor of voogd legal. Tienda di Educacion ta sali for di e punto di bista (vision) cu cada mayor/educador tin e voluntad, habilidad y talento pa yega na solucionnan responsabel pa loke ta trata criansa di nan yiu(nan). Na e mesun momento, TdE reconociendo su balor agrega den comunidad ya caba pa 13 aña consecutivo, ta sigui cu su compromiso na brinda comunidad 7 diferente servicio pa asina yuda cada mayor/voogd y educador den e lantamento y criansa di mucha y hoben aki na Aruba.

Basa riba e vision y articulo ariba menciona, e conferencia aki ta pa mayornan, educadornan y tur otro personanan cu di un manera of otro, directamente of indirectamente, ta contribui na e educacion y criansa di mucha y hoben entre 0-18 aña aki na

Aruba. E conferencia di familia tin como meta pa informa y educar tur presente riba temanan di importancia den e desaroyo y crecimiento di mucha y hoben, como entre otro, comprende e balor di un familia funcional, e prome 1000 dianan di un mucha, e etapa di desaroyo psicosocial como tambe e impacto di trauma y estilonan di criansa.

E conferencia aki lo tuma lugar:

Fecha: 17 di Mei 2025, Ora: 9.00 am-12.30 pm Lugar: Universidad di Aruba Prijs: Awg. 35,-

E conferencia aki ta conta cu varios profesionalnan cu lo sa di hiba palabra y carga e topiconan ariba menciona.

E profesionalnan cu ta encarga cu e topiconan ariba menciona ta Luz-neyla Tromp, BSc, fundador y directora di Positive Mind Guidance & Counseling como tambe miembro di directiva di TdE. Nos lo tin Sra. Clementia Eugene, PhD, lector na Universidad di Aruba como tambe un persona cu conocimiento y experiencia extenso den e ramo di abuso di mucha, y balor di familia funcional. Sigui pa Sra. Antoniette Geerman, MSc, GZ-Psycholoog na Psyed Aruba y como tambe Nichole Kock, Opvoedondersteuner na Tienda di Educacion Aruba. E mainta aki lo wordo guia door di Jonathan Trinidad, MBA, lector na Universidad di Aruba y miembro di directiva di TdE. Sigur un

CONFERENCIA DI FAMILIA

PRIJS:
AWG 35,-

DI GENERACION

PA GENERACION

Temnan:

- E balor di un familia funcional
- E prome 1000 dianan di un mucha
- Etapa di desaroyo sicosocial
- E impacto di experiencia adverso durante infancia
- Estilonan di crianza

17 **MEI**
DIASABRA

9:00 AM - 12:30 PM

UNIVERSIDAD DI ARUBA

**Tienda di
Educacion**

+297 588 7100

PA MAS INFORMACION

info@tdearuba.com

conferencia cu lo sa di aporta di un manera positivo na e conocimiento y cualidadnan di cada persona cu lo tey presente.

Bin conoce un poco mas riba crecimiento y desaroyo di mucha y hoben como tambe bo contribucion como mayor, voogd y/of educador. Si tin interes den tickets di e conferencia por yama libremente

na oficina di Tienda di Educacion Aruba na 588-7100 of por manda un email na info@tdearuba.com y nos lo duna instruccion con abo lo por cumpra bo ticket.

Tienda di Educacion Aruba, Aportando pa 13 aña na duna consejo, guia y sosten den educacion y criansa di bo yiu!

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



CAS DI CULTURA A PRESENTA PLAN AMBICIOSO DI RENOBACION Y EXPANSION NA PROME MINISTER



Directora di Cultura, Sra. Vicky Arens-Tjon A Tjoe, acompaña pa representantenan di Aruba Invest Bank, a duna Prome Minister mr. Mike Eman, encarga cu cultura,

un presentacion di e plan ambicioso di renobacion y expansion di Cas di Cultura. A presenta e plan, diseño y escogencia di colornan pa cada espacio y e parti tecnico moderno cu



ta inclui den e renobacion. Ya ta algun aña caba cu a inicia cu e plan di renobacion, pero e situacion ultimo cu a forsa e ceramento di e sala principal di Cas di Cultura, a acelera e necesidad pa inicia cu e proyecto grandi aki cu ta calcula rond di 17 miyon florin. Hunto cu Aruba Investment Bank, ta sondea maneranan

pa yega na e fondonan necesario riba mercado, cerca Gobierno of pa medio di fianza.

E proyecto ta uno hopi moderno y eficiente den uzo di energia y ta inclui entre otro porta y bentana isola, panel solar, re-uzo di awa, LED lights etc. E obhetivo ta pa tin un facilidad moderno y cu

ta mas eficiente posibel den uzo di energia pa e siguiente 30 pa 40 aña. Tin un optimismo di parti di Gobierno aki pa e renobacion di Cas di Cultura cu ta acopla cu Prome Minister su vision pa cu cultura na Aruba. Esaki lo bira un proyecto bunita cu por sirbi e meta comun pa engradece nos cultura.

MINISTER MERVIN WYATT-RAS A HACI BISHITA DI SERVICIO VETERINARIO



Diaranson 7 di mei, Minister Wyatt-Ras a haya un presentacion for

di Director di Servicio Veterinario, Riem van den Berg di tur servicio cu ta

duna na pueblo cu ta inclui e servicio mas popular den comunidad cu ta abattoir.

Aki ta unda ta mata animalnan pa consumo di carni pero tambe ta haci e keuring di e animalnan prome cu mata esakinan pa consumo. Servicio Veterinario ademas ta e autoridad cu ta duna aprobacion pa importacion y exportacion di animalnan for di y pa exterior, tanto

como mascota, pa cria, pero tambe pa carni pa consumo.

Minister Wyatt-Ras a keda impresionado cu e nivel sanitario di e facilidad di abattoir pero tambe di e laboratorio den cual ta haci nan analisis.



Parlamentario Otmar Oduber:

“TA CONDENABEL CU NO TIN CLARIDAD RIBA E SUMA DI RECORTE DEN AZV Y UN HENDE MESTER WORDE RESPONSABILIZA”

Un otro punto preocupante treci dilanti durante conferencia di prensa di Parlamentario Otmar Oduber, di PPA, tabata tocante e falta di claridad den e suma recorta na AZV. Parlamentario Oduber ta condena e accion, unda AZV a worde forza pa corta 60 miyon florin riba entre otro; remedi y servicio medico y awe niun hende kier responsabilisa p’e hecho aki. A trece bida y salud di nos hendenan na peliger, door cu nan no tabata ricibi sea remedi of cierto tratamentonan den e ultimo 4 añanan aki, pero niun hende kier papia di esaki.

“Nos di fraccion di PPA ta alerta nos comunidad, cu nos no ta bay laga esaki drumi y ta bay haci trabou

di dje, cuestionando AZV, Gobierno anterior como Gobierno actual y sigur CAFT y BZK, tocante e suma aki y e origin di e accion irresponsabel aki”, Oduber a enfatisa.

Inicialmente tabata papia di corta un suma di 5 miyon pa aña y diripiente el a bira 5 miyon pa luna, unda finalmente a purba corta 60 miyon durante e ultimo añanan. Mas cu claro esaki ta un condicion masha desafiante pa AZV cumpli cu ne y a indica cu haciendo esaki, ta trata di un accion totalmente irresponsabel y cu sigur lo tawata tin consecuencia riba hopi servicio di salud, cu no por a brinda mas na nos hendenan.

“Aki ta papia cu aparentemente tabatin un mal informacion sea door di CAFT of CFT, cu den temporada di pandemia, lo mester a corta 5 miyon pa aña. Pero despues a interpret’e den 5 miyon pa luna”. Actualmente tin un acusacion di e gobierno actual contra e minister di salud anterior, di a corta irresponsabel den AZV. Sinembargo e minister di salud anterior ya a indica cu e no a corta irresponsabel, pero a sigui instruccion di Hulanda, esta tanto for di secretario di estado sr. Knops como despues di sra. van Huffelen. Pues no tin claridad riba kico e suma exacto ta!

Incluso Parlamentario Oduber a subraya, cu den seno di directiva di CFT

tabatin un miembro di CFT, sra. van der Wal, cu a indica cu e no sa tocante e instruccion cu mester corta 5 miyon pa luna, ya cu segun e ta corda, ta 5 miyon pa aña y sr. Gradus ta contradeci esaki.

PPA ta contento cu AZV a logra pone rond di 130 remedi bek pa nos hendenan y den e amienda presenta recientemente, PPA a indica cu AZV tin espacio financiero pa hacie, mientras cu otro partido tabata kier a hinc’e den un ‘toeslag’ y a vota contra e amienda proponi di PPA. Awe PPA ta haña razon y a inclui e casi 130 remedinan aki bek riba e lista positivo di AZV. “Sea ta BZK, CFT, AZV, e minister anterior of actual mester



para responsabel y bin cu claridad tocante e suma di recorte aki den AZV, di cual hopi hende no a cuestiona y pueblo merece di haya un contesta cla y responsabel tocante e recorte forsa aki, cu tabata a costo di remedi, salud y mi ta spera no bida di nos hendenan, cu finalmente den un periodo di 3-4 aña ta rond di 120 miyon florin,” Oduber a termina bisando.

SETAR EMPODERANDO EDUCACION: TUR SCOL NA ARUBA AWO CONECTA RIBA FIBER!

SETAR ta orguyoso di anuncia cu a finalisa e proyecto di Fiber ‘Next Generation’, conectando tur scol na Aruba riba Fiber. Un proyecto importante pa e desaroyo educativo y tecnologico di tur scol na Aruba cu a cuminsa na 2022, di cual awo scolnan na 83 adres ta disfruta di un conexcion di Internet via Fiber y tur su beneficianan na un prijs special.

Elogro akita marca un stap grandi pa modernisa e experiencia di enseñansa, sigurando cu nos studiantenan, maestronan y institutonan educativo tin acceso na e hermentnan necesario pa por crece den e mundo digital. Conecta riba

Fiber, nos scolnan por disfruta di beneficianan manera bon speed di Internet, estabilidad y hopi mas oportunidad pa un enseñansa interactivo y innovativo.

SETAR a inverti mas di 1 Miyon florin pa realisa e proyecto aki, cu tin como meta pa crea un infraestructura digital resiliente cu ta cla pa futuro, y ta refleha SETAR su compromiso pa aporta na nos comunidad y educacion di nos futuro generacion.

Educacion ta e base di nos futuro y door di inverti den nos futuro generacion nos ta sigura

cu niun estudiante no ta keda atras den e era digital y cu cada mucha tin acceso igual na recursonan y posibilidadnan pa siña, crece y desaroya nan mes. Asina aki nos ta contribui tambe na realisa e metanan di Sustainable Development Goals di Nacionan Uni, en particular meta 4 Quality Education.

Como nos compania nacional di telecomunicacion, SETAR ta orguyoso di por inverti den e futuro di Aruba, por medio di innovacion, colaboracion y sosten na educacion. Hunto nos ta creando un Aruba mas fuerte y mas conecta.

Aruba Conservation Foundation y Universidad di Wageningen lansa "Aruba 2050 Project" pa un futuro sostenibel di nos naturalesa



Aruba Conservation Foundation, a asisti na un reunion cu Prome Minister Mike Eman hunto cu DNM y representantenan di Universidad di Wageningen. Durante di e reunion, Tyson Lopez, CEO di Aruba Conservation Foundation (ACF), a presenta un rapport strategico "Aruba 2050 Project", desaroya den colaboracion estrecho cu


Universidad di Wageningen (WUR). E proyecto ta representa un paso fundamental pa defini e rumbo cu Aruba kier tuma den maneho y conservacion di su naturalesa pa e proximo decada. Aruba Conservation Foundation, como e entidad principal encarga cu naturalesa den areanan protegi di Aruba, a forma

un alianza scientifico den e ultimo tres añanan cu WUR, pa investiga con nos isla por trata su naturalesa den un manera sostenible y strategico. Inspira door di e trabao cu a realisa na Boneiro, e "Aruba 2050 Project" ta e prome estudio participativo di su clase na Aruba, ehecuta pa Universidad di Wageningen mes.



Durante di e estudio, a consulta cu 800 hogar y a invita stakeholdernan principal pa duna nan opinion. E naturalesa di Aruba no ta simplemente un recurso pa contempla, sino un sistema compleho cu ta rekeri un enfoke scientifico y planifica pa sosten y integracion den areanan urbano, turistico y otro areanan rond di Aruba. Universidad di Wageningen ya a traha un vegetatie map detaya, cual a identifica cada ecosistema rond di Aruba. E mapa aki lo sirbi como base pa futuro proyectonan di reforestacion y restauracion ecologico. Adicionalmente, lo implementa un sistema di monitoreo pa evalua e progreso y impacto di e accionnan tuma. Pa hopi aña, a "paga candela" pero cu e colaboracion cu

Universidad di Wageningen, Aruba tin e oportunidad pa implementa solucionnan duradero, basa riba data y participacion di comunidad. E rapport "Aruba 2050 Project" no ta solamente un documento tecnico, pero un guia pa accion concreto, tanto a corto como a largo plaso, pa por ehencuta reforestacion te cu planificacion urbano sostenibel. Na 2017, Universidad di Wageningen tabata activo caba na Spaans Lagoen, y awor ta reafirma su rol como un partner strategico den e mision di conservacion y restauracion ecologico di Aruba. Pa mas informacion tocante e rapport of colaboracion, por tuma contacto cu Aruba Conservation Foundation via info@acf.aw




Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia
Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554




Paga bo cuenta online ta facil

Sea **Abonnement of Aviso**

Pago online, facil y lihe

Pa hasi pago online pone number y adres na cuenta di banco RBC Sunmax Printing account # 77000000100152447



ARUBA TA CELEBRA DIA MUNDIAL DI PARHA MIGRATORIO 2025: ENFOCANDO RIBA “ESPACIO COMPARTI: CREANDO CIUDAD Y COMUNIDADNAN AMICAL PA PARHA”

ORANJESTAD - Aruba ta uni na e celebracion mundial di Dia Mundial di Parha Migratorio (World Migratory Bird Day-WMBD) riba diasabra, 10 di mei 2025, cu un enfoque special riba e tema di e aña aki: “Espacio Comparti: Creando Ciudad y Comunidadnan amical pa Parha.” E campaña aki ta busca pa comparti y eleva consciencia di e importancia di integra e necesidadnan di parhanan migratorio den nos planificacion y desaroyo urbano y comunitario. Directie Natuur en Milieu (DNM) 2 bes pa aña ta trece e topico dilanti di parhanan migratorio como cu Aruba tambe ta ubica riba e ruta cu e parhanan ta bula den e periodo di migracion.

E tema di 2025 ta un reconocimiento cu tanto hende como parha ta comparti e mesun espacio riba nos planeta. Cu un aumento den poblacion humano y expansion di areanan urbano, ta bira cada bes mas importante pa crea ciudadnan y comunidadnan cu ta tene cuenta cu e bienestar di e parhanan cu ta bishita nos temporalmente of esun cu ta biba aki. Esaki ta encera preserva areanan berde, reduci polucion, y minimalisa e impaco cu construccion tin riba nan habitat natural.

Aruba ta un punto importante riba e ruta di migracion di diferente especie di parha. Nos ta specialmente honra di ricibi bishita di parhanan impresionante. Algun di e parhanan cu e campaña di 2025 di WMBD a uza den nan diseño cu sa bishita Aruba ta: Falco Peregrino (*Falco peregrinus*); un parha jaagdo poderoso cu ta pasa cerca nos durante su biahe largo, American Redstart (*Setophaga ruticilla*); un parha chikito cu color vibrante cu ta busca refugio y alimento y e Red Knot (*Calidris canutus*); un parha di tamaño mediano color cora cu ta bula miles di kilometer. E presencia di e parhanan aki ta un recordatorio di e interconexion di ecosistemanan y e responsabilidad cu nos tin pa



proteha nan durante nan estadia aki.

Creando ciudadnan y comunidadnan amical cu parha na Aruba ta nifica implementa accionnan concreto y tambe adopta miho practicanan. Aki ta sigui algun sugerencia:

- Mantene y crea mas area berde: Parkenan, hardinnan, y otro espacionan natural den areanan urbano ta provee habitat y fuente di alimentacion pa parhanan.
- Uza diseño di iluminacion cu ta tene cuenta cu parhanan/bestia: Luz artificial por desorienta parhanan migratorio. Un bon plan di iluminacion ta minimalisa e efecto negativo aki. Por haya e SOP ‘milieu vriendelijke verlichting’ riba nos website dnmaruba.org
- Promove plantamento di matanan local: Matanan local ta

ofrece e miho fuente di alimento y habitat pa e parhanan local y esun migratorio.

- Controla e uzo di pesticida y herbicida: Kimiconan por ta dañino pa parhanan y nan fuente di alimentacion.

- Conscientisa comunidad: Educacion publico riba e importancia di parhanan migratorio y con nos por yuda nan ta crucial. Comparti e recursonan cu nos ta publica riba rednan social pa cu e dia observa aki uzando hashtagnan [#sharedspaces](https://twitter.com/sharedspaces) [#WMBD2025](https://twitter.com/WMBD2025) [#worldmigratorybirdday](https://twitter.com/worldmigratorybirdday)

- Implementa regulacion di construccion: Sigura cu desaroyonan nobo ta tene cuenta cu areanan importante pa parhanan. Den diseño arkitektura evita glasnán grandi cu ta confundi parhanan. Parhanan ta bula y dal contra esakinan y muri.

- Tene bo mascota (pushi) paden: nan ta predado pa parhanan.

Durante e dlanan venidero DNM ta publica hopi recurso den cuadro di celebracion di Dia Mundial di Parhanan Migratorio 2025. Cooperacion y colaboracion semper ta yega mas leu, DNM ta gradici organisaion manera Aruba Birdlife Conservacion pa semper ta atento cu nos parhanan local y esunnan migratorio. Nos ta invita tur hende, negoshi, scol, y organisacionnan pa participa activamente y asina contribui na un ambiente mas amical cu nos parhanan migratorio. Hunto nos por sigura cu Aruba ta un bon lugá pa biba, tanto pa hende como pa e diversidad di parhanan cu ta bishita nos isla. Nos tur tin un ro pa hunga pa sostene e parhanan migratorio! Feliz dia mundial di Parhanan migratorio.

BRAZIL TAEKWONDO STICHTING TA ORGANISA CAS BON TAEKWONDO CUP 2025



Diasabra dia 17 di Mei Brazil Taekwondo Stichting ta organisa Cas Bon Taekwondo Cup 2025. Cas Bon Taekwondo Cup 2025 ta e prome clasificatorio pa Best of the Best 2025. Esaki ta e prome campeonato nacional di Taekwondo pa Aruba su atletanan por participa pa nan clasifica pa e di 30 Best of the Best 2025 organisa pa Brazil Taekwondo Stichting. Te cu awo tin 8 Pais Internacional ta bay

participa. Brazil Taekwondo Stichting ta gradici Cas Bon cu semper ta apoya Brazil Taekwondo Stichting. Pa hopi aña caba Brazil Taekwondo Stichting ta promove Taekwondo di Aruba. Brazil Taekwondo Stichting su team di "Train Hard Fight Smart" ta bay ta central den Cas Bon Taekwondo Cup 2025 y ta cla pa bringa pa e Copa.

Clasificados





SOLODIPUEBLO@GMAIL.COM
CEL.585 9500



Triatlon ta gana clasificacion pa weganan Panamericano Hubenil REBECCA JANSEN TA CLASIFICA PA ASU2025

Recien Comite Olimpico Arubano a ricibi e carta oficial di unda “Americas Triathlon” ta confirma e clasificacion di atleta femenino di triatlon Rebecca

Jansen pa e Weganan Panamericano Hubenil ASU2025, cu lo tuma luga augustus beniderio na Paraguay. Den caso di triatlon, nan lo ta compitiendo na e sub-

cede di e weganan, na e ciudad di Encarnacion. COA ta felicita Rebecca pa su tremendo esfuerzo, dedicacion y clasificacion. #TEAMARU



JUEGOS PANAMERICANOS JUNIOR ASUNCION 2025
PLAZAS

PLAZA	REGION	VARONIL	FEMENIL
1	NORTEAMERICA	ESTADOS UNIDOS	ESTADOS UNIDOS
2	NORTEAMERICA	ESTADOS UNIDOS	ESTADOS UNIDOS
3	NORTEAMERICA	CANADA	CANADA
4	NORTEAMERICA	CANADA	CANADA
5	NORTEAMERICA	MEXICO	MEXICO
6	NORTEAMERICA	MEXICO	MEXICO
7	CENTROAMERICA Y EL CARIBE	CUBA	PUERTO RICO
8	CENTROAMERICA Y EL CARIBE	COSTA RICA	HONDURAS
9	CENTROAMERICA Y EL CARIBE	COSTA RICA	COSTA RICA
10	CENTROAMERICA Y EL CARIBE	PANAMA	GUATEMALA
11	CENTROAMERICA Y EL CARIBE	BARBADOS	CUBA
12	CENTROAMERICA Y EL CARIBE	REP. DOMINICANA	COSTA RICA
13	CENTROAMERICA Y EL CARIBE	PANAMA	GUATEMALA
14	CENTROAMERICA Y EL CARIBE	CUBA	CUBA
15	CENTROAMERICA Y EL CARIBE	ISV	BARBADOS
16	CENTROAMERICA Y EL CARIBE	BARBADOS	PANAMA
17	CENTROAMERICA Y EL CARIBE	GUATEMALA	PANAMA
18	CENTROAMERICA Y EL CARIBE	GUATEMALA	TRINIDAD Y TOBAGO
19	SURAMERICA	CHILE	BRASIL
20	SURAMERICA	BRASIL	CHILE
21	SURAMERICA	ECUADOR	ARGENTINA
22	SURAMERICA	BRASIL	BRASIL
23	SURAMERICA	CHILE	VENEZUELA
24	SURAMERICA	ARGENTINA	ARUBA
25	SURAMERICA	ARGENTINA	ARGENTINA
26	SURAMERICA	VENEZUELA	ECUADOR
27	SURAMERICA	VENEZUELA	CHILE
28	SURAMERICA	COLOMBIA	ECUADOR
29	SURAMERICA	ECUADOR	COLOMBIA
30	SURAMERICA	COLOMBIA	VENEZUELA
31	PAIS SEDE	PARAGUAY	PARAGUAY
32	PAIS SEDE	PARAGUAY	PARAGUAY



PLAZAS POR PAIS		
PAIS	VARONIL	FEMENIL
BARBADOS	2	1
CANADA	2	2
COSTA RICA	2	2
CUBA	2	2
ESTADOS UNIDOS	2	2
GUATEMALA	2	2
HONDURAS	0	1
ISLAS VIRGENES	1	0
MEXICO	2	2
PANAMA	2	2
PUERTO RICO	0	1
REP. DOMINICANA	1	0
TRINIDAD Y TOBAGO	0	1
PARAGUAY	2	2
ARGENTINA	2	2
BRASIL	2	2
CHILE	2	2
ECUADOR	2	2
COLOMBIA	2	1
ARUBA	0	1
VENEZUELA	2	2
TOTAL	32	32

SCHORSING ILEGAL DI PRESIDENTE DI AVB, TIN TUR ATENCION DI FIFA Y POR TIN SU CONCECUENCIANAN SERIO, SI NO CUMPLI CU NAN

Oranjestad: Recientemente AVB su presidente Sr. Lacle a wordo geschors door di e directiva di AVB pa un debe di belasting cu lo tabata habri y cu ya FIFA lo of a manda placa pa regla e debe aki caba. Manera ta conoci AVB no tin placa y ta depende riba FIFA pa mantene e deporte di futbol cabes riba awa na Aruba. E directiva, e trahadonan y e presidente ta wordo paga pa FIFA tur luna. Mesora cu FIFA a wordo poni na altura di local a sosode, a pidi di inmediatamente un reunion cu e Presidente y e bestuur.

Ayera durante dia FIFA a reuni y a dirigi un reunion cu e Presidente y e bestuur. Durante e reunion lo a keda palabra cu e schorsing ta ilegal y cu

esaki mester wordo revoca mesora pa e bestuur. Pasobra e asunto di belasting nan ta na altura y nan ta page. Tambe FIFA a pidi pa awe diahuebs durante un reunion cu tur club na Aruba, pa pasa un Statuut nobo si no, lo tin consecuencia pa e deporte aki na Aruba.

Segun informe nan cu ta circula y cu a yega na nos, ta bisa cu si no revoca e schorsing y no cambia asap e statuut, lo tin consecucionan serio pa e deporte y AVB.

E kraanchi financiero, lo por of ta wordo cera y futbol na Aruba tranca. Esaki ta incluyendo paramento di salario di tur hende cu ta traha pa y na AVB. Algo similar a pasa cu e federacion di futbol di Korsou FFK, augustus




anja pasa y FIFA mester a actua cu man duro pa por a restablece ordo.















Un otro informe cu den e mundo di futbol na Aruba ta circulando ta cu e directiva lo a nenga di


saca e carta pa prensa y pa e teamnan,manera lo a wordo palabra cu FIFA, esaki segun nos fuente nan ta hungando cu candela y poniendo e deporte di futbol na Aruba den peliger. E ta bon cla cu no

tin nada valido pa a schors e Presidente, segun cu nos por a capta den e mundo di futbol na Aruba, varios persona ta comenta cu E por ta un wega pa no pasa e statuut nobo y stroba e elecion aki 45 dia??

















Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - May 08, 2025

 <p>Sorteo # 8538</p> <p>7255</p> <p>7813</p> <p>7898</p> <p>X3</p> <p>Sorteo # 7582</p> <p>2511</p> <p>X5</p> <p>Sorteo # 2287</p> <p>2466</p> <p>Sorteo # 6341</p> <p>9853</p> <p>Capricornio</p> <p>Sorteo # 1271</p> <p>198</p> <p>X3</p>	 <p>Sorteo # 2590</p> <table><tr><td>0 x Jackpot</td></tr><tr><td>0 x Match 4+</td></tr><tr><td>11 x Match 4</td></tr><tr><td>287 x Afl. 12,00</td></tr></table> <p>440.000,-</p> <p>Sorteo # 6819</p> <table><tr><td>0 x Jackpot</td></tr><tr><td>3 x Match 4</td></tr><tr><td>160 x Afl. 8,00</td></tr></table> <p>62.000,-</p> <p>Sorteo #</p> <table><tr><td>0 x Jackpot</td></tr><tr><td>0 x match 4</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table> <p>300.000,-</p> <p>Afl. 400.000,-</p> <p>Sorteo #</p> <div></div>	0 x Jackpot	0 x Match 4+	11 x Match 4	287 x Afl. 12,00	0 x Jackpot	3 x Match 4	160 x Afl. 8,00	0 x Jackpot	0 x match 4	0 x Afl. 500,00	0 x Afl. 50,00	0 x Afl. 15,00
0 x Jackpot													
0 x Match 4+													
11 x Match 4													
287 x Afl. 12,00													
0 x Jackpot													
3 x Match 4													
160 x Afl. 8,00													
0 x Jackpot													
0 x match 4													
0 x Afl. 500,00													
0 x Afl. 50,00													
0 x Afl. 15,00													



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - May 08, 2025

 <p>Sorteo # 4614</p> <p>5793</p> <p>1411</p> <p>2991</p> <p>fp</p> <p>Sorteo # 4614</p> <p>3163</p> <p>X2</p> <p>Sorteo # 2670</p> <p>0581</p> <p>Sorteo # 4614</p> <p>0215</p> <p>Cancer</p> <p>Sorteo # 1487</p> <p>943</p> <p>fp</p>	 <p>Sorteo #</p> <table><tr><td>0 x Jackpot</td></tr><tr><td>0 x Match 4+</td></tr><tr><td>0 x Match 4</td></tr><tr><td>0 x Afl. 12,00</td></tr></table> <p>440.000,-</p> <p>Sorteo #</p> <table><tr><td>0 x Jackpot</td></tr><tr><td>0 x Match 4</td></tr><tr><td>0 x Afl. 8,00</td></tr></table> <p>62.000,-</p> <p>Sorteo #</p> <table><tr><td>0 x Jackpot</td></tr><tr><td>0 x match 4</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table> <p>300.000,-</p> <p>Afl. 400.000,-</p> <p>Sorteo #</p> <div></div>	0 x Jackpot	0 x Match 4+	0 x Match 4	0 x Afl. 12,00	0 x Jackpot	0 x Match 4	0 x Afl. 8,00	0 x Jackpot	0 x match 4	0 x Afl. 500,00	0 x Afl. 50,00	0 x Afl. 15,00
0 x Jackpot													
0 x Match 4+													
0 x Match 4													
0 x Afl. 12,00													
0 x Jackpot													
0 x Match 4													
0 x Afl. 8,00													
0 x Jackpot													
0 x match 4													
0 x Afl. 500,00													
0 x Afl. 50,00													
0 x Afl. 15,00													

TAXI BOYS CAMPEON SUDOKU

TORNEO 4X4!



Calabas/Kudawecha - Na Hulandes tin un dicho ta bisa “een kat en muis spel”; un wega cu e pushi ta hunga cu e raton, lagando e pober ‘muis’ kere cu e tin un chens pa scapa, pero na final, ora e fada, e ta caba e wega n’un forma menos leuk. Diasabra ultimo, 3 di mei, e ekipo di Taxi Boys a mustra Biba Lekker ta con ta hunga ‘kat en muis’.

E bataya a cuminsa den un Domino Square Garden ‘jammed-packed’ di fanatico di domino. Despues di dos rondo eliminatorio, caminda Biba Lekker a elimina Sero Blanco, y Taxi Boys a expulsa Pluma Gang n’un forma cla y raspa, e dos teamnan a bin topa otro den e gran final diasabra ultimo. E wega a cuminsa n’un forma tradicional caminda cu e ‘kat’ ta laga e ‘muis’ tuma un bentaha

leve. Cada biaha cu e raton parce di tuma un bentaha, e “gatito lindo” ta trek e na su rabo hal’e bek p’esaki keda “dicht bij huis”. Asina’ki e wega a bay un p’e raton, un p’e pushi, te halftime caminda Biba Lekker tabata tin un bentaha di 11-9, un distancia manera nan ta bisa na Hulandes “niet gepiest, maar toch nat”. Despues cu e pasapalonan a logra pasa rond completamente gratis, caminda mannan hambra manera piraña tabata grap dos dos pareu manda stoma, e bataya a sigui den tur intensidad. E mes un wega ta continua: Biba Lekker ta tuma un bentaha minimo, Taxi Boys ta ranca trece score pareu. Dje forma aki, bou un publico yen di tension, e score ta bin na empata na 17-17. Aki, un conocido comerciante den

aparatonan electronico a cuminsa grita su apoyo “sin miedo” pa Taxi Boys; algo cu aparentemente, a irita e capitan di Biba Lekker ponele perde sinti. Un otro integrante di Biba Lekker, un conocido dje departamento di paga candela, a cualifica e tipo di “apoyo exorbitante” aki como “stoorzender”.

Con cu ta con cu bin, ta parce cu Biba Lekker su taray a keda pega den baranca y e taxistanan “Don Gato” a dicidi cu ta basta wega y den no time a hala e raton mata cu score di 21-17! Un sambombaso di partido! Shonnan keda pendiente, pasobra e cos aki mas cu claro no ta bay keda asina ... e ekipo cu p’un tempo lo pasa den ratonan di Biba Zuur lo bay bin bek cu plannan serio pa muha e “gatito lindo”!

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

FORTALEZA PA FAMILIA

Scirbi pa Pastor Marcel Balootje.

UN HENDE MES, POR STROBA SU ORACION DI WORDO SCUCHA

Tin hopi hende por puntra awor aki mes, con por ta posibel cu mi oracion ta wordo stroba, y dicon e ta wordo stroba, y ta kico ta stroba mi oracion.

Bijbel ta bisa nos cuanto cos por stroba nos oracion di wordo scucha, y esey ta pa nos biba un bida serio y fiel na Dios.

Pica cu no a wordo confesa:

Den Salmo 66 :18-19-20 David ta bisa: Si mi a warda maldad den mi curason, Senyor lo no a tendemi, ma di berdad, Dios a tende , E a paga atencion na e bos di mi oracion. Bendiciona sea Dios, Kende no a rechasa mi oracion, ni a kita Su misericordia for di mi,

Ta para scirbi den 1 Juan 1:9 ; Si nos confesa nos picanan, E ta fiel y hustu pa pordona nos , nos picanan y libra nos di tur inhusticia.

Idolatria den curason.

Palabra di Dios ta sinja nos na varios ocasion den bijbel cu tur locual nos pidi den nomber di Cristo Hesus, e lo duna nos . Juan 14:13-14, awel si nos ta obedece Dios Su palabra , nos lo ricibi Su bendicion, tene bon

cuenta kico Senyor ta bisa den Mateo 18:19-20 y laga nos obedece Senyor.

Pidi cu motibo robes.

Esaki ta para scirbi den e buki di Santiago of Jacobo 4:3 bisando; Boso ta pidi, y no ta ricibi, pasobra boso ta pidi pa boso gaste den boso placernan. Ora nos ta pidi algo na Senyor semper nos mester duna danki(Filipensenan 4:6) y duna testimonio di Dios Su grandesa y no halsa nos mes.

Falta di Fe; Den Marco 11:24 y Santiago 1:6 ta para scirbi con nos mester pidi cu fe sin duda. Pesey Mi ta bisa boso, tur loke boso pidi ora boso ta haci oracion, kere cu boso ta ricibi y e lo bira di boso. Esey ta nifica cu nos fe ta habri porta pa nos, pasobra Fe ta move mannan di Dios.

Falta di pordon of hende cu no kier pordona.

Marco 11:25 ta sinja nos: Y ki ora cu boso ta para haci oracion, pordona si si boso tin algo contra un hende , pa boso Tata cu ta den cielo tambe pordona boso, boso transgreshon, ma si boso no pordona , boso Tata cu ta den cielo, tampoco lo pordona boso

transgreshonnan, No lubida di lesa den Mateo 18:35 kico ta pasa cu hende cu no ta pordona di curason, Falta di pordon ta un asunto hopi delicado y no ta algo di haci wega cune, pasobra Dios no ta haci wega.

Falta di persistencia of perservera den oracion. Den Lucas 18:1 Hesus ta conta cu nos mester haci oracion tur ora bay, y no desmaya.

Poco tempo pa oracion.



Tin hende kier hopi cos di Dios, pero nan tin tempo pa pasa dos ora na telefon riba whatsapp cu amigo of amiga pero nan no por dedica un ora den Oracion. (Mateo 26:40). Nan tin tempo pa tur cos menos pa oracion.

Desobedencia na e palabra di Dios.

No lubida kico Cristo Hesus a bisa cu tin hopi cu ta bisa, Senyor, Senyor y no ta obedece Senyor Su palabra y no ta haci locual Senyor ta bisa.(Mateo

7:24) (Zacarias 7:11-13).

Negligencia di e pover Esun cu sera su horea pa sclamacion di e pover, e tambe lo sclama ma lo no wordo contesta,(Proverbionan 21:13).

Maltrato verbal of fisico di bo esposa (1 Pedro 3:7).

Ta tempo pa nos hala mas serca Dios, para firme, dedica tempo den oracion, y stima nos prohimo. Sinceramente Pastor Marcel Balootje.

Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Huan 6, 44)

Cristo ta bisa cu ta via di Dios so un hende por yega cerca di E. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus.

Felipe a splica e homber di Etiopia e loke e tabata lesa di profeta Isaias y ora el a compronde el a wordo batista mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.

Clasificados

SOLODIPUEBLO@GMAIL.COM
CEL. 585 9500

SOLO De Pueblo